

Traspaso di terenonan di Lago pa Gobierno di Aruba

ORANJESTAD (IPA-VER)
Diabierna 1 di Mei lo tuma
lugare traspaso di terenonan
cu antes a ser usa pa Lago pa
Gobierno di Aruba.

Mirando e magnitud
di esaki, gobierno di Aruba
lo haci un ceremonia na e
sitio di Colony, banda di e
Main-gate.

Despues di mas cu 60
anja e terenonan lo bolbe pa
e comunidad Arubano y
Gobierno lo traha plannan pa
desaroya e terenonan aki na
bienestar di henter e com-
unidad Arubano.

E ceremonia lo inicia
pa 8'or y mei di mainta y lo
tin discurso di representante

di Lago sr. Coffie y Prome
Ministro sr. Nelson Oduber.
Parti di e ceremonia

lo ta develo di un borch
ilustrando e traspaso.
Gobierno di Aruba ta

invita un y tur pa bai presencia
e acto historico aki, Diabierna
1 di Mei.

Pueblo di San Nicolas kier sa....

Continuacion di pag. 15

mucha y San Nicolas y
vecindario?

Abota haya cu mester
a exonera Lago di tur cos?

Of mester a existi di
Lago pa saca tur e gasnan ey
y azetanan cu tin na boshi
bao di e subsuelo di San
Nicolas?

Kico e rapport di Ing.
Engelbrecht ta recomenda?

12. Lago a merece di
bai sin paga nada y lagando
un time-bomb bao di San
Nicolas y na unda e pueblo di
San Nicolas ta canando tur
dia riba dje y sin sa ki dia e
por rementa y laga San
Nicolas desaparece for di
mapa di Aruba?

Benny, esey ta e
futuro briyante cu bo go-
bierno a priminti?

Un time-bomb pa San
Nicolas.

13. Benny, asina hopi

bo ta stima bo pueblo di San
Nicolas, cu bo ta laga nan
muri poco poco door di tur
dia inhyala un poco di aire
contamina y talvez hasta
radioactivo cu ta sali for di
Coastal?

14. Benny, splica e
pueblo di San Nicolas di bo
dream, pasobra nan no a
compronde bon?

Bo dream lo ta cu bo
ta caba cu PPA y San Nicolas
y asina move pa St. Maarten
serca papa Chance?

Pasobra papa a bai
bon na St. Maarten, e a bira
minister y awor e ta un
hombre grandi, y e mester tin
su siguidornan di trono y ken
no mas mihor cu su pupilo of
su alumno...

Tambe tabatin un
otro riba lista geel cu tambe a
bai St. Maarten y a bira
gezaghebber pa dos tem-

porada y awor esey ta bo
dream, Benny?

Por ultimo, mi no kier
bai riba dje, pasobra e ta trece
hopi famia y dams su cara na
berguensa, ki faceta bo a usa
pa duna cierto dama taxi-
vergunning of un otro trabao
den gobierno?

Nos sa cu e otro
candidato di San Nicolas
tabata cobra 10% di salario
di esunnan cu e a yuda cu
trabao, pero abo, bo no a pidi
voto y ni 10%, pero kico a
pidi e damanan aki como
recompensa?

Of cu kico nan a
mester a recompensa bo? Ami,
personalmente a tende for di
uno, pero e Pueblo kier sa di
bo, bo prijs pa bo ayudo
caritativo aki?

Un habitante di San Nicolas.